

西漢會要

十六





從事郎前撫州州學教授臣徐



食貨二

水利

魏文侯時史起為鄴令引漳水溉鄴以富魏之河內  
民歌之曰鄴有賢令兮為史公決漳水兮灌鄴旁  
古易鹵兮生稻梁溝洫志下同

韓使水工鄭國間說秦令鑿涇水自中山西邸瓠口  
為渠並北山東注洛三百餘里注填關之水溉易鹵  
之地四萬餘頃收皆晦一鍾於是關中為沃野無凶  
年名曰鄭國渠右二渠雖此漢所開而漢實賴之故溝洫志敘述為詳

三六五

劉

武帝時鄭當時為大司農言異時漕山東粟從渭上  
度六月罷而渭水道九百餘里時有難處引渭穿渠  
起長安旁南山下至河三百餘里徑易漕度可令三  
月罷而渠下民田萬餘頃又可得溉此損漕省卒  
而益肥關中之地上以為然令水工徐伯表發卒數  
萬人穿漕渠三歲而通以漕大便利其後漕稍多而  
渠下之民頗得以溉矣

元鼎六年兒寬為左內史請鑿六輔渠益溉鄭國旁  
高邛之田廼減御史稻田租令平繇行水毋使失時  
大始二年趙中大夫白公復奏穿渠引涇水首起谷  
口尾入櫟陽注渭中袤二百里溉田四千五百餘頃

名曰白渠民得其饒歌之

雜錄

水衡都尉張晏曰掌都水屬官有水司空都水長丞百官表

武帝時河東守番係言穿渠引汾既皮氏汾陰下引

河既汾陰蒲坂下上以為然發卒數萬人作渠田不

利復溝洫志下同

此僅有人上書欲通褒斜道及漕上令張湯子邛發

數萬人作褒斜道道果便近而水多湍石不可漕

其後嚴熊言臨晉民願穿洛以溉重泉以東萬餘頃

故惡地於是發卒萬人穿渠引洛水至商顏下鑿井

深者四十餘丈井下相通行水穿得龍首故名龍首

三五六

西京會要十一

二

丑

渠作之十餘歲渠頗通猶未得其饒

劉向以故九卿召拜為中郎領護三輔都水本傳

息夫躬言秦關鄭國渠以富國彊兵今為京師土地

肥饒可度地勢水泉廣溉灌之利哀帝使躬持節領

護三輔都水躬立表欲穿長安城引漕注大倉下以

省轉輸議不可成本傳

召信臣守南陽時行視郡中水泉開通溝瀆起水門

提閘凡數十處以廣灌溉歲增加多至三萬頃信臣

為民作均水約束刻石立於田畔以防分爭本傳

田租

秦田租口賦鹽鐵之利二十倍於古或耕豪民之田

見稅十五

言貧人無田而耕墾豪富家田十分之中以五輸田主也

漢興循而未

改

食貨志董仲舒疏

漢興天下既定高帝約法省禁輕田租什五而稅一

量吏祿度官用以賦於民

食貨志

惠帝即位減田租復什五稅一

紀聲展曰漢初什五稅一中間廢今復之也

文帝十三年詔除田之租稅

本紀

孝景二年令民半出田租三十而稅一也

食貨志按本紀書於

元

武帝元鼎六年上曰左右內史地名山川原甚眾細

民未知其利今內史稻田租挈重

挈苦計反收田租之約令也

不

與郡同

郡謂四方諸郡

其議減令吏民勉盡地利平繇行水

二百九十四

西漢會要卷五十一

勿使失時

講誦

昭帝始元六年令民得以律占租

本紀注云武帝時賦歛繁多律外而

取今始復舊占章瞻反

王莽下令曰漢氏減輕田租三十而稅一常有更賦

疲癯咸出厥名三十實什稅五

食貨志

荀悅論曰古者什一而稅以為天下之中正也今

漢氏或百一而稅可謂鮮矣然豪彊富人占田逾

侈輸其賦大半官收百之一稅民輸大半之賦官

家之惠優於三代豪彊之暴酷於亡秦是上惠不

通威福分於豪彊也文帝不正其本而務除租稅

適足以資豪彊耳

賜民租賦

文帝二年賜天下民今年田租之半

十二年詔賜農民今年租稅之半

武帝元封四年祠后土賜三縣及揚民無出今年租賦

五年修封禪所幸縣無出今年租賦

天漢三年修封泰山行所過無出田租

昭帝始元年年詔毋令民出今年田租

宣帝本始元年鳳凰集膠東千乘租稅勿收

三年郡國傷旱甚者毋出租稅

四年詔被地震壞敗甚者勿收租稅

三十七

西漢會要卷五十一

四

思

元康二年令郡國被災甚者毋收今年租賦

神爵元年幸甘泉所過毋出田租

甘露三年鳳凰集新蔡毋出今年租

元帝初元元年令郡國被災害甚者毋出租賦

二年郡國被地動災甚者毋出租賦

永光元年幸甘泉行所過毋出租賦

成帝建始元年郡國被災什四以上毋收田租

鴻嘉四年郡國被災害什四以上民貧不滿三萬勿出租賦

永始四年幸甘泉河東所過無出田租

哀帝即位令水所傷縣邑及他郡國災害什四以上

民貧不滿十萬皆無出今年租賦

平帝元始二年天下民貧不滿二萬及被災之郡不

滿十萬勿租稅並本紀

### 筭賦

漢四年初為筭賦高紀如淳曰漢儀注民年十五以上至五十六出賦錢人百二十為

一筭為治庫兵車馬

孝惠六年女子年十五以上至三十不嫁五筭惠紀注云

漢律人出一筭賈人與奴婢倍筭

文帝民賦四十賈捐之傳常賦百二十時天下民多故出賦四十

武帝下詔曰前有司奏欲益民賦三十助邊用是重

困老弱孤獨也本紀又蕭望之傳張敞曰先帝征行三十餘年百姓猶不加賦

武帝建元元年詔民年八十復二筭本紀復二口之筭也

元封元年行所巡至縣無出今年筭本紀

宣帝地節三年流民還歸者且勿筭事本紀

宣帝甘露元年減民筭三十本紀一筭減錢三十也

元帝時貢禹請民年二十乃筭本紀

成帝建始二年減天下賦錢筭四十本紀注云本筭百二十今減四

十為八十

### 口賦

昭帝元鳳四年詔毋收四錢五年口賦昭紀如淳曰漢儀注民年

七歲至十四出口賦錢人二十三錢以食天子其三錢者武帝加口錢以補車騎馬

元平元年詔減口賦錢有司奏請減什三上許之同

宣帝五鳳三年減天下口錢本紀

元帝時貢禹以為古民亡賦筭口錢起武帝征伐四夷重賦於民民產子三歲則出口錢故民重困至於生子輒殺宜令兒七歲去齒乃出口錢年二十乃筭天子下其議令民產子七歲乃出口錢自此始貢禹傳

### 更賦

漢氏常有更賦疲瘁咸出食貨志

昭帝始元四年詔三年以前逋更賦未入皆勿收本紀

如淳曰更有三品有卒更有踐更有過更古者正卒無常人皆當迭為之一月一更是為卒更也貧者欲得顧更錢次直者出錢顧之月二千是謂踐更也天下人皆直戍邊三日不可人人自行三日戍謂不行者出錢三百入官官以給戍者是為過更也

### 戶賦

秦漢之制列侯封君食租稅歲率戶二百千戶之君則二十萬朝覲聘享出其中貨殖傳

### 軍賦

惠帝即位令吏六百石以上父母妻子與同居及故吏嘗佩將軍都尉印將兵及佩二千石官印者家准給軍賦他無有所與本紀

## 西漢會要卷第五十一



西漢會要卷第五十二

從事郎前撫州州學教授臣徐天麟上進

食貨三

筭

景紀後二年服虔注云此筭筭萬錢筭百二十七

筭車船

武帝元光六年初筭商車本紀注云始稅商賈車船令出筭

時公卿言異時筭輶車有差請筭如故非吏比者三

老北邊騎士輶車一筭師古曰比例也身非為吏之例非為三老非為北邊騎士

而有輶車者令出一筭商賈人輶車二筭舡五丈以上一筭匿

不自占占不悉戍邊一歲有能告者以其半畀之食貨志

筭緡錢

武帝元狩四年初筭緡錢本紀李斐曰一貫千錢出筭二十也師古曰謂有儲

積錢者計其緡而稅之

公卿言異時筭輶車賈人緡錢有差請筭如故諸賈

人未作貨賈買居邑稽諸物及商以取利者雖無市

籍各以其物自占率緡錢二千而一筭贊曰此緡錢為是備緡錢

也故隨其用所施施於利重者其筭亦多諸作有租及鑄如淳曰以手力所作而賣之

率緡錢四千而一筭匿不自占占不悉戍邊一歲沒

入緡錢有能告者以其半畀之食貨志

元鼎三年十一月令民告緡者以其半與之本紀

天子既下緡錢令而尊卜式百姓終莫分財佐縣官

於是告緡錢縱矣故令相揚可告緡徧天下中家以

上大氏皆遇告社周治之獄少反者廼分遣御史廷

尉正監分曹往往即治郡國緡錢得民財物以億計

奴以千萬數田大縣數百頃小縣百餘頃宅亦如之

於是商賈中家以上大氏破民媮甘食好衣不事蓄

臧之業而縣官以鹽鐵緡錢之故用少饒矣食貨志

揚可方受告緡義縱以為此亂民部吏捕其為可使

者天子聞使杜式治以為廢格沮事棄縱市史記義

元鼎四年令民得蓄邊縣官假馬毋三歲而歸及息

什一以除告緡用充入新秦中食貨志師古曰官得

故除告緡之令也

西漢會要五十一

### 租六畜

武帝租及六畜西漢傳贊

昭帝元鳳二年令郡國無斂今年馬口錢本紀文穎曰往時有

馬口出斂錢今省如淳曰所謂租及六畜也

翟方進請筭馬牛羊張晏曰馬牛羊頭數出稅筭千輪二十也

### 雜稅

武帝大初四年徙弘農都尉治武關稅出入者以給

關吏卒食本紀

軍市租馬唐傳魏尚為雲中守軍市租盡以給士卒

市籍租何武

稟稅貢禹

海租食貨志景壽昌白增海租三倍

海稅平紀注云海稅丞主海稅

### 給獻費

高帝十一年詔曰欲省賦甚今獻未有程吏或多賦以為獻而諸侯王尤多民疾之令諸侯王通侯常以十月朝獻及郡各以其口數率人歲六十三錢以給

獻費本紀

### 以粟當賦

昭帝元鳳二年令三輔大常郡得以菽粟當賦古師

諸應出賦筭租稅者皆聽以菽粟當錢物也

六年詔穀賤傷農今三輔大常穀賤其令以菽粟當

三輔小田一四西漢會要卷五十一

王

西

今年賦本紀

### 募民入粟

晁錯說文帝曰方今之務莫若使民務農欲民務農在於貴粟貴粟之道在於以粟為賞爵今募天下入粟縣官得以拜爵得以除罪如此則富人有爵農民有錢粟有所渫夫能入粟以受爵者皆有餘者也取於有餘以供上用則貧民之賦可損所謂損有餘補不足令出而民利者也粟者王者大用政之本務令民入粟受爵至五大夫乃復一人耳此其與騎馬之功相去遠矣爵者上之所擅出於口而亡窮粟者民之所種生於地而不乏夫得高爵與免罪人之所甚

欲也使天下人入粟於邊以受爵免罪不過三歲塞下之粟必多矣於是文帝從錯之言令民入粟邊六百石爵上造稍增至四千石為五大夫萬二千石為大庶長各以多少級數為差錯復奏言陛下幸使天下入粟塞下以拜爵甚大惠也竊恐塞卒之食不足用大漑天下粟邊食足以支五歲可令入粟郡縣矣足支一歲以上可時赦勿收農民租時有軍役若遭水旱民不困乏天下安寧歲熟且羨則民大富樂矣上復從其言廼下詔賜民十二年租稅之半明年遂除民田之租稅食貨志

世世世

西漢會要五十一

四

一四

武帝通西南夷道悉巴蜀租賦不足以供之乃募豪民田南夷入粟縣官而內受錢於都內同上

### 權酤

文帝後三年詔曰以口量地其於古猶有餘而食之甚不足者其咎安在無乃為酒醪以靡穀者多與本紀

景帝中三年夏旱禁酤酒本紀

後元年夏民得酤酒本紀

武帝天漢三年初權酒酤本紀韋昭曰以木渡水曰謂禁民酤釀獨官開置

如道路設木為權獨取利也師古曰權者獨步橋今略約是

昭帝始元六年二月詔有司問郡國所舉賢良文學民所疾苦議罷鹽鐵權酤秋七月罷權酤官賣酒升

四錢本紀按食貨志云弘羊與丞相千秋共奏罷酒酤

鹽鐵

秦田租口賦鹽鐵之利二十倍於古漢興循而未改

食貨志

孝惠高后時吳有豫章銅山即招致天下亡命盜鑄

錢東煮海水為鹽以故無賦國用饒足

吳王濞傳

班固贊曰吳王擅山海之利能薄斂以使其眾逆

亂之萌自其子與古者諸侯不過百里山海不以

封蓋防此矣

文帝後六年弛山澤

本紀

董仲舒說武帝曰宜少近古鹽鐵皆歸於民然後可

善治也

食貨志

西漢會要卷五十一

二五

傳

元狩中兵連不解縣官大空富商大賈治鑄鬻鹽財

或累萬金而不佐公家之急於是東郭咸陽孔僅

為大農丞領鹽鐵事元狩五年大農上鹽鐵丞

孔僅咸陽言山海天地之藏宜屬少府陛下弗私以

屬大農佐賦願募民自給費因官器作鬻鹽官與牢

盆蘇林曰牢價直也今世人言顧手牢如溥曰牢廩

是浮食音民欲擅幹山海之貨以致富羨役利細民

其沮事之議不可勝聽敢私鑄鐵器煮鹽者鈇左趾

沒入其器物郡不出鐵者置小鐵官鑄故使屬在所

縣使僅咸陽乘傳舉行天下鹽鐵作官府除故鹽鐵

家富者為吏吏益多賈人矣孔僅使天下鑄作器三

年中拜爲大農列於九卿而縣官以鹽鐵緡錢之故  
用少饒矣少史益益廣開置左右輔初大農幹鹽鐵官  
布多置水衡欲以主鹽鐵及揚可告緡上林財物衆  
乃令水衡主上林上林既充滿益廣云云元鼎六年  
拜卜式爲御史大夫式旣在位見郡國多不便縣官  
作鹽鐵器苦惡鹽味苦器脆惡賈賢或彊令民買之廼因孔  
僅言事上不說漢連出兵三歲費仰大農以均輸調  
鹽鐵助賦故能澹之食貨志

元鼎中博士徐偃使行風俗偃矯制使膠東魯國鼓  
鑄鹽鐵還奏事徙爲大常丞御史大夫張湯劾偃矯  
制大害法至死偃以爲春秋之義大夫出疆有可以

安社稷存萬民顓之可也湯以致其法不能誦其義  
有詔下終軍問狀軍詰偃曰古者諸侯國異俗分百  
里不通時有聘會之事安危之執呼吸成變故有不  
受辭造命顓已之宜今天下爲一萬里同風故春秋  
王者無外偃巡封域之中稱以出疆何也且鹽鐵郡  
有餘臧正二國廢國家不足以爲利害而以安社稷  
存萬民爲辭何也又詰偃膠東南近琅邪北接北海  
魯國西枕泰山東有東海受其鹽鐵偃度四郡口數  
田地率其用器食鹽不足以并給二郡邪將執宜有  
餘而吏不能也何以言之偃矯制而鼓鑄者欲及春  
耕種贍民器也今魯國之鼓當先具其備至秋乃能

舉火此言與實反者非偃已前三奏無詔不惟所爲不許而直矯作威福以從民望干名采譽此明聖所必加誅也狂尺直尋孟子稱其不可今所犯罪重所就者小偃自予必死而爲之邪將幸誅不加欲以采名也偃窮咄服罪當死軍奏偃矯制顛行非奉使體請下御史召偃即罪奏可上善其詰有詔示御史大

夫終軍傳

元封元年桑弘羊爲治粟都尉領大農盡代僅幹天下鹽鐵廼請置大農部丞數十人分部主郡國各往往置均輸鹽鐵官食貨志

昭帝即位六年詔郡國舉賢良文學之士問以民所

疾苦教化之要比對願罷鹽鐵酒榷均輸官毋與天下爭利視以儉節弘羊難以爲國家大業所以制四夷安邊足用之本不可廢也食貨志

所謂鹽鐵議者起始元中召文學賢良問以治亂皆

對願罷郡國鹽鐵酒榷均輸毋與天下爭利御史大

夫弘羊以爲此廼所以安邊竟制四夷國家大業不

可廢也當時相詰難頗有其議文至宣帝時汝南巨

寬次公推衍鹽鐵之議增廣條目極其論難著數萬

言亦欲以究治亂成一家之法焉其辭曰觀公卿賢

良文學之議異乎吾所聞聞汝南朱生言當此之時

英俊並進賢良茂陵唐生文學魯國萬生之徒六十

有餘人咸聚闕庭舒六藝之風陳治平之原知者贊其慮仁者明其施勇者見其斷辯者騁其辭斷斷焉行行焉雖未詳備斯可略觀矣中山劉子推言王道擣當世反諸正彬彬然弘博君子也九江祝生奮史魚之節發憤蕙譏公卿介然直而不撓可謂不畏彊圉矣桑大夫據當世合時變上權利之略雖非正法鉅儒宿學不能自解博物通達之士也然攝公卿之柄不師古始放於末利處非其位行非其道果隕其性以及厥宗車丞相履伊呂之列當軸處中括囊不言容身而去彼哉彼哉若夫丞相御史兩府之士不能正議以輔宰相成同類長同行阿意苟合以說其

三十八 小九 西漢金史卷五十二 八 山石

上斗筭之徒何足選也車千秋贊

宣帝地節四年詔鹽民之食而賈咸貴其減天下鹽

賈本紀

元帝初元五年罷鹽鐵官本紀

永光二年復鹽鐵官紀按食貨志云元帝罷鹽鐵官二年而復之

成帝綏和二年賜翟方進冊曰百僚用度各有數君

增益鹽鐵更變無常朕既不明隨奏許可云云方進

自殺翟方進傳

猗頓用鹽起

邯鄲郭縱以鑄冶成業與王者埒富

蜀卓氏用鐵冶富



程鄭亦冶鑄賈魍結民富埒卓氏擅鹽井之利期年  
所得自倍遂殖其貨

宛孔氏用鐵冶為業大鼓鑄家致數千金

丙氏以鐵冶起富至鉅萬

並貨殖傳

西漢會要卷第五十二

西漢會要卷第五十三

從事郎前撫州州學教授臣徐天麟上進

食貨四

錢幣

秦兼天下幣為二等黃金以溢名為上幣銅錢質如周錢文曰半兩重如其文而珠玉龜貝銀錫之屬為器飾寶藏不為幣然各隨時而輕重無常漢興以為秦錢重難用更令民鑄莢錢黃金一斤而不軌逐利之民蓄積贏餘以稽市物痛騰躍米石至萬錢匹馬

至百金食貨志

高后二年行八銖錢

本紀應劭曰本秦錢質如周錢文曰半兩重如其文漢鑄莢錢

民患其輕至此復行八銖錢

六年行五分錢

本紀即謂莢錢

文帝五年四月為錢益多而輕更鑄四銖錢其文為

半兩

本紀食貨志同

武帝建元元年行三銖錢

本紀壞四銖造此也重如其文

五年罷二銖錢行半兩錢

本紀

自孝文更造四銖錢至元狩四年四十餘年從建元以來用少縣官徃徃多即銅山而鑄錢民亦盜鑄不可勝數錢益多而輕物益少而貴有司言曰今半兩錢法重四銖而姦或盜摩錢質而取鉛鉛銅也錢益輕薄而物貴則遠方用幣煩費不省乃令縣官銷半兩

錢更鑄三銖錢重如其文其明年有司言三銖錢輕  
輕錢易作姦詐乃更請郡國鑄五銖周郭其質令不  
得磨錢取鉛食貨志按本紀元狩五年罷半兩錢行  
五銖錢今以食貨志考之乃罷三銖非

罷半兩通鑒考  
異亦云紀誤

元鼎二年郡國鑄錢民多姦鑄錢多輕而公卿請令

京師鑄官赤仄應劭曰所謂子紺錢也  
如淳曰以赤銅為其郭一當五賦官

用非赤仄不得行其後二歲赤仄錢賤民巧法用之

不便又廢於是悉禁郡國毋鑄錢專令上林三官鑄

錢既多而令天下非三官錢不得行諸郡國前所鑄

錢皆廢銷之輸入其銅三官而民之鑄錢益少計其

費不能相當准真工大姦乃盜為之上同

三下七六

西漢金匱要卷五十三

自孝武元狩五年三官初鑄五銖錢至平帝元始中

成錢二百八十億萬餘云上同

宣元成哀平五世亡所變改上同

王莽居攝變漢制以周錢有子母相權於是更造大

錢徑寸二分重十二銖文曰大錢五十又造契刀錯

刀契刀其環如大錢身形如刀長二寸文曰契刀五

百錯刀以黃金錯其文曰一刀直五千與五銖錢凡

四品並行此以後乃莽即  
真後事不復錄

### 雜錄

元帝時貢禹言古者不以金錢為幣專意於農故一  
夫不耕必有受其飢者今漢家鑄錢及諸鐵官皆置

吏卒徒攻山取銅鐵一歲功十萬人已上中農食七  
人是七十萬人常受其飢也鑿地數百丈銷陰氣之  
精地臧空虛不能含氣出雲斬伐林木亡有時禁水  
旱之災未必不繇此也自五銖錢起已來七十餘年  
民坐盜鑄錢被刑者衆富人積錢滿室猶亡厭足民  
心動搖商賈求利東西南北各用智巧好衣美食歲  
有十二之利而不出租稅農夫父子暴露中野不避  
寒暑梓中耙土手足胼胝已奉穀租又出橐稅鄉部  
私求不可勝供故民弃本逐末耕者不能半貧民雖  
賜之田猶賤賣以賈窮則起爲盜賊何者末利深而  
惑於錢也是以姦邪不可禁其原皆起於錢也疾其

末者絕其本宜罷採珠玉金銀鑄錢之官亡復以爲  
幣市井勿得販賣除其租銖之律租稅祿賜皆以布  
帛及穀使百姓壹歸於農復古道便議者以爲交易  
待錢布帛不可尺寸分裂禹議亦寢貢禹傳及  
食貨志

有上書言古者以龜貝爲貨今以錢易之民以故貧  
宜可改幣上以問師丹丹對言可改章下有司議皆  
以爲行錢以來久難卒變易丹老人忘其前語後從  
公卿議師丹  
傳

### 錢禁

孝文五年除盜鑄錢令使民放鑄賈誼諫曰法使天  
下公得顧租鑄銅錫爲錢敢雜以鉛鐵受它巧者其

罪黥然鑄錢之情非殺雜爲巧者不可得贏而殺之甚微爲利甚厚夫事有召禍而法有起姦今令細民入操造幣之執各隱屏而鑄作因欲禁其厚利微姦雖黥罪日報其執不止廼者民人抵罪多者一縣百數及吏之所疑榜笞奔走者甚衆夫設法以誘民使入陷阱孰積於此曩禁鑄錢死罪積下今公鑄錢黥罪積下爲法若此上何賴焉又民用錢郡縣不同或用輕錢百加若干或用重錢平稱不受法錢不立吏急而壹之虐則大爲煩苛而力不能勝縱而弗呵虐則市肆異用錢文大亂苟非其術何鄉而可哉今農事棄捐而采銅者日蕃釋其耒耨冶鎔炊炭姦錢日

多五穀不爲多善人怵而爲姦邪愿民陷而之刑戮刑戮將甚不詳奈何而忽國知患此吏議必曰禁之禁之不得其術其傷必大令禁鑄錢則錢必重重則其利深盜鑄如雲而起棄市之罪又不足以禁矣姦數不勝而法禁數潰銅使之然也故銅布於天下其爲禍博矣今博禍可除而七福可致也何謂七福上收銅勿令布則民不鑄錢黥罪不積一矣僞錢不蕃民不相疑二矣采銅鑄作者反於耕田三矣銅畢歸上上挾銅積巨御輕重錢輕則巨術斂之重則巨術散之貨物必平四矣巨作兵器巨假賢臣多少有制用別賢賤五矣巨臨萬貨巨調盈虛巨收奇羨則官

富實而未民困六矣制五 棄財臣與匈奴逐爭其民  
則敵必懷七矣故善為天下者因禍而為福轉敗而  
為功今久退七福而行博禍臣誠傷之上不聽是時  
吳呂諸侯即山鑄錢富埒天子後卒叛逆鄧通大夫  
也呂鑄錢財過王者故吳鄧錢布天下食貨志下  
文帝除盜鑄錢令賈山上書諫以為變先帝法非是  
章下詔責對以為錢者亡用器也而可以易富貴富  
貴者人主之操柄也令民為之是與人主共操柄不  
可長也其後復禁鑄錢賈山傳  
景帝立人有告鄧通盜出徼外鑄錢下吏驗問頗有  
遂竟案盡沒入之一本傳

三四七

西漢會要卷之二十一

五

余云

中六年定鑄錢偽黃金棄市律本紀

武帝元狩中盜鑄諸金錢罪皆死而吏民之犯者不

可勝數食貨志

自造白金五銖錢後五歲而赦吏民坐盜鑄金錢死  
者數十萬人其不自意覺相殺者不可勝計赦自出  
者百餘萬人然不能自出天下大氏無慮皆鑄金

錢矣同上

其後上林三官鑄錢既多而令天下非三官錢毋得  
行而民之盜鑄錢者益少其費不能相當惟真工大  
姦乃盜為之食貨志

白金皮幣

武帝元狩中縣官大空而富商賈或滯財役貧轉轂  
百數治鑄鬻鹽財或累萬金而不佐公家之急黎民  
重困於是天子與公卿議更造錢幣以澹用是時禁  
苑有白鹿而少府多銀錫有司言曰古者皮幣諸侯  
以聘享金有三等黃金為上白金為中赤金為下今  
半兩錢法重四銖而姦或盜摩錢質而取鉛錢益輕  
薄而物貴則遠方用幣煩費不省廼以白鹿皮方尺  
緣以績為皮幣按本紀元狩四年造白金及皮幣直四十萬王侯宗  
室朝覲享必以皮幣薦璧然後得行又造銀錫白金  
以為天用莫如龍地用莫如馬人用莫如龜故曰金  
三品其一曰重八兩圜之其文龍名白撰直三千二  
百九曰以重差小方之其文馬直五百三曰復小楢之其  
文龜直三百其後官鑄赤仄白金稍賤民弗寶用縣  
官以令禁之無益歲餘終廢不行食貨志  
元鼎二年罷白金武紀

西漢會要卷第五十四

從事郎前撫州州學教授臣徐天麟上進

食貨五

大司農錢都內錢附

武帝之初七十年開國家二事都內之錢貫朽而不

可校大倉之粟紅腐而不可食按百官表大司農屬官有都內令丞

山海天地之藏宜屬少府陛下勿私以屬太農佐賦

食貨志

帝比歲擊胡大司農陳臧錢經用既竭不足以奉戰

士乃令民得買爵贖罪置武功爵同上

孝武之世開玉門通西域師旅之費不可勝計至於

二十七下六十六

用度不足廼榷酒酤筦鹽鐵鑄白金造皮幣筭至車

船租及六畜西域傳贊

元帝温恭少欲都內錢四十萬萬王嘉傳

漢武庫兵器繕治造作皆度大司農錢大司農錢自

乘輿不以給共養共養勞賜一出少府母將隆傳

少府禁錢

漢興山川園池市肆租稅之入自天子以至封君湯

沐邑皆各為私奉養不領於天子之經費食貨志

山海天地之藏宜屬少府食貨志按百官表少府掌山海池澤之稅以給共養

共養勞賜一出少府母將隆傳

武帝出禁錢以振元元食貨志



西羌之役大農錢盡乃以少府禁錢續之賈捐

元帝温恭少欲少府錢十八萬萬王嘉傳

### 水衡錢

初大農幹鹽鐵官布多故直水衡欲以主鹽鐵及揚

可告緡上林財物衆乃令水衡主上林食貨志

宣帝本始二年以水衡錢為平陵民起第宅紀應劭曰水衡

與少府皆天子私藏耳縣官工作當仰給司農今出水衡錢言宣帝更為異政也

元帝温恭少欲水衡錢二十五萬萬王嘉傳

### 均輸平準

大司農屬官有均輸平準令丞百官表孟東曰均輸

者皆令輸其地土所饒平其所在時價官更於它處賣之輸者既便而官有利也

元狩中桑弘羊為大司農中丞管諸會計事稍稍置

均輸以通貨物漢連出兵三歲費皆仰大農大農以

均輸調鹽鐵助賦故能澹之食貨志

元封元年弘羊以諸官各自市相爭物以故騰躍而

天下賦輸或不償其儻費廼請置大農部丞數十人

分部主郡國各往往置均輸鹽鐵官初弘羊為大農丞固已稍稍置

均輸矣今既領大農故令遠方各以其物如異時商

賈所轉販者為賦而相灌輸置平準于京師都受天

下委輸均輸在郡國各轉於京師者也平召工官治

車諸器皆仰給大農大農請官盡籠天下之貨物貴

則賣之賤則買之如此富而大賈亡所牟大利則反

西漢會要卷五十四 二

本而萬物不得騰躍故抑天下之物名曰平準天子以為然而許之一歲之中諸均輸帛五百萬疋民不益賦而天下用饒上

昭帝即位六年詔郡國舉賢良文學之士問以民所疾苦皆對願罷鹽鐵酒榷均輸官毋與天下爭利弘羊難以為此國家大業安邊足用之本不可廢也

志按巨寬鹽鐵論大夫曰往者郡國諸侯各以其物貢輸往來煩雜物多苦惡或不償其費故郡置輸官以相給運而便遠方之貢故曰均輸開委府于京師以籠貨物賤則買貴則賣是以縣官不失實商賈無所利故曰平準準平則民不失職均輸則民不劬勞故平準均輸所以平萬物而便百姓也文學曰古之賦稅於民也因其所工不求所拙農人納其獲女入求閒者郡國或令民作絮吏留難與之為市吏之所入非獨齊陶之繅蜀漢之布也皆民間之所為耳

### 漕運

漢二年築甬道屬河取敖倉粟

蕭何留收巴蜀使給軍食何轉漕關中給食不乏

漢初轉漕關東粟以給中都官歲不過數十萬石

志

劉敬說高帝都關中張良曰關中阻三面而固守獨

以一面東制諸侯諸侯安定河渭漕輓天下西給京

師諸侯有變順流而下足以委輸劉敬說是也

卷之三十五

西漢會要卷五十四

三

周

武帝元光六年鄭當時為大司農言異時漕關東粟從渭上度六月罷而渭水道九百餘里時有難處引渭穿渠起長安旁南山下至河三百餘里徑易漕度可令三月罷得以損漕省卒上以為然令齊人水工徐伯表發卒數萬人穿漕渠三歲而通以漕大便利其後漕稍多而渠下之民頗得以溉矣

溝洫志接武紀元光六年

穿漕渠通渭

後河東守番孫言漕從山東西歲百餘萬石更砥柱之艱敗亡甚多而煩費穿渠引汾溉皮氏汾陰下引河溉汾陰蒲坂下度可得五千頃故盡河東棄地民芟收其中耳今溉田之度可得穀二百萬石以上穀

四百千

西漢會要卷之十四

月

從渭上與關中無異而砥柱之東可毋復漕上以為然發卒數萬人作渠田數歲河移徙渠不利田者不能償種其後人有上書欲通褒斜道及漕事下御史大夫張湯湯問之言抵蜀從故道多阪回遠今穿褒斜道少阪近四百里而褒水通沔斜水通渭皆可以行船漕漕從南陽上沔入褒褒絕水至斜間百餘里以車轉從斜下渭如此漢中穀可致而山東從沔無限便於砥柱之漕且褒斜材木竹箭之饒擬於巴蜀上以為然拜湯子卬為漢中守發數萬人作褒斜道五百餘里道果便近而水多湍石不可漕

溝洫志

衛 數以數萬騎出擊匈奴遂取河南地築朔方時

又通西南夷道作者數萬人千里召以擔餽餉率十餘  
鍾致一石又興十餘萬人築衛朔方轉漕甚遠自山  
東咸被其勞食貨志

武帝作柏梁臺宮室之修繇此日麗徒奴婢衆而下  
河漕度四百萬石及官自糴廼足上

元封元年桑弘羊又請令民入粟補吏贖罪他郡各  
輸急處而諸農各致粟山東漕益歲六百萬石一歲  
之中大倉甘泉倉滿邊餘穀上

昭帝元鳳二年詔曰前年減漕三百萬石紀  
三年詔曰民被水災頗匱於食其止四年毋漕上

宣帝即位歲數豐穰景壽昌言故事歲漕關東粟四  
百萬斛以給京師用卒六萬人宜糴三輔弘農河東

西漢會通五十四

五

列

上黨大原郡穀足供京師可省關東漕卒過半漕事  
果便食貨志

### 倉庾

大倉百官表司農屬官有大倉倉令丞三輔黃  
圖云大倉蕭何造在長安城外東南

武帝之初國家亡事大倉之粟紅腐而不可食食貨志

長安倉宣帝紀本始四年丞相以下上書入穀輸長  
安倉三輔黃圖云細柳倉嘉倉在長安西渭

水北古徽西有細  
柳倉城東有嘉倉

甘泉倉張敞為甘  
泉倉長

河南郡滎陽有教倉地理志音義云教本  
地名臨河有大倉

河東郡根倉溼倉地理志

河內倉

汲黯矯制發河內倉粟以振貧民

郡國諸倉

百官表司農屬官有郡國諸倉長丞

### 常平倉

宣帝即位穀石至五錢農民少利時大司農中丞景壽昌奏言故事歲漕關東粟四百萬斛以給京師用卒六萬人宜糴三輔弘農河東上黨太原郡穀足供京師可以省關東漕卒過半蕭望之奏壽昌未足任上不聽事果便壽昌遂白令邊郡皆築倉以穀賤時增其價而糴以利農貴時減其價而糴名曰常平倉民便之

食貨志按宣紀五年鳳四年穀常平倉

趙充國曰金城湟中穀斛八錢吾謂景中丞糴二百

二五五

六

巳

萬斛羌人不敢動矣中丞請糴百萬斛乃得四十萬

斛耳失此二策羌人故敢為逆

充國傳

元帝即位天下大水在位諸儒多言鹽鐵及常平倉可罷母與民爭利上從其議罷之

食貨志按紀初元五年罷常平倉

## 西漢會要卷第五十四

西漢會要卷第五十五

從事郎前撫州州學教授臣徐 彞



食貨六

荒政

漢興諸侯並起民失作業而大飢饉凡米石五卜人相食死者過半高祖廼令民得賣子就食蜀漢食貨志漢二年關中大飢米斛萬錢人相食令民就食蜀

漢紀

文帝後元年詔曰閒者數年比不登又有水旱疾疫之災朕甚憂之愚而不明未達其咎意者朕之政有所失而行有過與乃天道有不順地利或不得人事

卷五十五

忠

多失和鬼神廢不享與何以致此將百官之奉養或廢無用之事或多與何其民食之寡乏也夫度田非益寡而計民未加益以口量地其於古猶有餘而食之甚不足其咎安在無乃百姓之從事於末以害農者蕃為酒醪以糜穀者多六畜之食焉者衆細大之義吾未能得其中與丞相列侯吏二千石博士議之有可以佐百姓者率意遠思無有所隱紀本六年大旱蝗令諸侯無入貢施山澤減諸服御損郎吏負發倉庾以振貧民得賣爵紀

歲惡不入請賣爵子

如淳曰賣爵級又賣子也且食貨志賈誼疏

景帝元年正月詔曰閒者歲比不登民多乏食天絕

天年朕甚痛之郡國或硤隘無所農桑穀蓄或地廣  
廣薦草莽水泉利而不得徙其議民欲徙寬大地者  
聽之紀

中三年夏旱禁酤酒紀

上郡以西旱復修賣爵令而裁其賣以招民及徙復  
作得輸粟於縣官以除罪倉貨

後二年令內郡不得食馬粟沒入縣官讀徙隸衣

七纒布索隱曰蓋合七升布止馬春正義曰馬嵬嶺之比為歲

不登禁天下食不造歲史記本紀正義曰造至也禁天下費米穀恐食不至歲造

七到反

三年詔曰閒歲不登意為末者眾農民寡也其令郡

西漢書卷五十九

國務勸農桑益種植可得衣食物吏發民若取庸采

黃金珠玉者坐贓為盜二千石聽者與同罪紀

武帝即位河內失火上使汲黯往視之還報曰臣過

河內河內貧人傷水旱萬餘家或父子相食臣謹以

便宜持節發河內倉粟以振貧民請歸節伏矯制罪

上賢而釋之傳

元狩三年勸有水災郡種宿麥舉吏民能假貸貧民

者以名聞紀

四年山東被水災民多飢乏於是天子遣使虛郡國

倉廩以振貧民猶不足又募豪富人相假貸尚不能

挾乃徙貧民於關以西及充朔方以南新秦中七十

餘萬口衣食皆仰給於縣官數歲貸與產業使者分部護冠蓋相望費以德計食貨志

元鼎二年詔曰水潦移於江南迫隆冬至朕懼其飢寒不活江南之地火耕水耨方下巴蜀粟致之江陵遣博士中等分循行告諭所抵無令重困吏民有振

救飢民免其冗者具舉以聞紀

山東被河災及歲不登數年人或相食方二二千里天子憐之令飢民得流就食江淮間欲留留廼使者冠蓋相屬於道護之下巴蜀粟以振焉食貨志

昭帝始元二年八月詔曰往年災害多今年蠶麥傷所振貸種食勿收責毋令民出今年田租紀

三十八 西漢會要五十一 三 集昭

宣帝本始三年大旱郡國傷旱甚者民毋出租賦三輔民就賤者且毋收事盡四年紀

四年正月詔曰今歲不登已遣使者振貸困乏其令大官損膳省宰樂府減樂人使歸農業丞相以下至都官今丞上書入穀輸長安倉助貸貧民民以車船載穀入關者得毋用傳上

元帝初元元年詔曰關東今年穀不登民多困乏其令郡國被災害甚者毋出租賦江海陂湖園池屬少府者以假貧民勿租賦九月關東郡國十一大水飢或人相食轉旁郡錢穀以相救令諸宮館希御幸者勿繕治大僕減穀食馬水衡省肉食獸紀



二年六月關東飢齊地人相食秋七月詔曰歲比災  
害民有菜色慘怛於心已詔吏虛倉廩開府庫振救  
賜寒者衣公卿其悉意陳朕過靡有所諱上

三年夏大旱罷甘泉建章宮衛令就農百官各省  
費上

五年詔曰廼者關東連遭災害其令太官毋日殺所  
具各減半乘輿秣馬毋之正事而已罷角抵上林宮  
館希御幸者齊三服官北殿田官鹽鐵官常平倉上

永光二年詔曰間者連年不收四方咸困元元之民  
勞於耕耘又云成功困於飢饉云以相救朕為民父  
母德不能覆而有其刑甚自傷焉其赦天下紀

成帝永始二年詔曰歲比不登吏民以義收食貧民  
入穀物助縣官振贍者已賜直其百萬以上加賜爵  
右更欲為吏補三百石其吏也遷二等三十萬以上  
賜爵五大夫吏亦遷二等民補郎十萬以上家無出  
租賦三歲萬錢以上一年紀

哀帝即位詔曰廼者河南潁川郡水出流殺人民敗  
壞廬舍已遣光祿大夫循行舉籍賜死者棺錢人三  
千其令水所傷縣邑及他郡國災害什四以上民貲  
不滿十萬皆無出今年租賦紀

平帝元始二年郡國大旱蝗青州尤甚民流亡安漢  
公四輔三公卿大夫吏民為百姓困乏獻其田宅者

二百三十人以口賦貧民遣使者捕蝗民捕蝗詣吏以石斛受錢天下民皆不滿二萬及被災之郡不滿十萬勿租稅民疾疫者舍空邸第為置醫藥賜死者一家六尸以上葬錢五千四尸以上三千二尸以上二千罷安定呼池苑以為安民縣起官寺市里募徙貧民縣次給食至徙所賜田宅什器假與犁牛種食又起五里於長安城中宅二百區以居貧民

本紀

振貸

振採附

文帝元年詔曰方春和時草木羣生之物皆有以自樂而吾百姓鰥寡孤獨窮困之人或阡於死三而莫之省憂為民父母將何如其議所以振貸之

紀

文帝出帛十餘萬匹以振貧民

賈山

後六年大旱蝗發倉庾以振貧民

食貨志

武帝元狩三年有水災郡舉吏民能假貸貧民者以名聞

本紀

四年山東被水災民多飢乏於是天子遣使虛郡國倉廩以振貧猶不足又募豪富人相假貸尚不能相救廼徙貧民於關以西及充朔方以南新秦中七十餘萬口衣食皆仰給於縣官數歲貸與產業使者分部護冠蓋相望費以億計於是公卿言郡國頗被災害貧民無產業者募徙廣饒之地陛下損膳省用出禁錢以振元元寬貸而民不齊出南畝

食貨志

元鼎二年詔曰水潦移於江南吏民有振抔飢民貧其尤者具舉以聞本紀

是時山東被河災及歲不登數年人或相食方二三千里天子憐之令飢民得流就食江淮間欲留留處使者冠蓋相屬於道護之下巴蜀粟以振焉食貨志

河內傷水旱汲黯矯制發河內倉粟以振貧民汲黯傳

昭帝始元元年遣使者振貸貧民無種食者本紀

元鳳三年詔曰廼者民被水災朕虛倉廩使使者以

振困之本紀

宣帝本始四年詔曰今歲不登已遣使者振貸困之使農移就業丞相以下至都官令丞上書入穀輸長

安倉助貸貧民以車船載穀入關救得毋用傳本紀

地節三年詔曰前下詔假公田貸種食本紀

元帝初元元年以三輔大常郡國公田及苑可省者

振業貧民貲不滿千錢者賦貸種食臨遣光祿大夫

褒等十二人循行天下存問耆老鰥寡孤獨困乏失

職之民又令郡國被災害甚者毋出今年租賦江海

陂湖園池屬少府者以假貧民勿租賦六月以民疾

疫省苑馬以振困乏九月關東郡國十一大水飢或

人相食轉旁郡錢穀以相救本紀又食貨志云天下大水關東十一郡尤甚

咸關中卒五百人轉穀振貸困乏

二年詔以水衡禁園宜春下苑少府仗飛外池嚴

池田假與貧民六月關東飢齊地人相食秋七月詔曰歲比災害民有菜色已詔吏虛倉廩開府庫振揀賜寒者衣紀本

永光元年赦天下令各務農畝無田者皆假之貸種食如貧民紀本

成帝河平四年遣光祿大夫博士嘉等十一人行舉瀕河之郡水所損傷困乏不能自存者財振貸其為水所流壓死不能自葬令郡國給槨槨葬埋已葬者與錢人二千避水它郡國在所冗食之謹遇以文理無令失職鴻嘉四年勃海清河河溢被災者振貸之

紀本

永始二年詔曰關東比歲不登吏民以義收食貧民入穀物助縣官振贍者已賜直其百萬以上加賜爵右更欲為吏補三百石其吏也遷二等三十萬以上賜爵五大夫吏亦遷二等民補郎十萬以上家無出租賦三歲萬以上一年紀本

哀帝即位河南潁川郡水災賜死者錢三千紀本

釋逋貸

文帝二年民貸種食未入未備者皆赦之

武帝元朔元年諸逋貸在孝景後三年以前皆勿聽治

昭帝始元二年詔所振貸種食勿收責

元鳳三年詔三年以前所振貸非丞相御史所請邊郡受牛者勿收責

宣帝元康元年所振貸勿收

神爵元年所振貸物勿收

元帝永光四年所貸貧民勿收責

成帝建始三年諸逋租賦所振貸勿收

河平四年諸逋租賦所振貸勿收

鴻嘉元年逋貸未入者勿收

四年逋貸未入皆勿收

永始二年所振貸貧民勿收

並本紀



西漢會要卷五十五



